

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

15.06.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյան, վերանայելով Էդուարդ Դանիելյանի դիմումի շուրջ ստեղծված նյութերը՝

Պ Ա Ր Զ Ե Ց Ի

2018թ. մայիսի 18-ին Երևան քաղաքի Նորագավիթ 4 «փողոցի» 23ա տան բնակիչ Է.Դանիելյանը դիմում է հասցեագրել այն մասին, որ ստացել է վարչական տույժ նշանակելու մասին ԱԴ թիվ 590428, որի համաձայն տուգանվել է 10.000 դրամ: Դիմումատուն հայտնել է նաև, որ համաձայն չէ խախտման հետևանքով խնդրել է այն վերանայել:

Դիմումի ուսումնասիրությամբ պարզվել է, որ 2018թ. ապրիլի 29-ին ժամը 10.25-ին Երևան քաղաքի Արշակունյաց պողոտայում Է.Դանիելյանի վարած «Օպել» մակնիշի 35 FQ 400 հաշվառման համարանիշի ավտոմոբիլը կանգնեցվել է ճանապարհային ոստիկանության ԾՊԾ 1-ին սպայական գումարտակի 7-րդ սպայական դասակի տեսուչներ, ոստիկանության կապիտաններ Դ.Ավալյանի և Կ.Շահբազյանի կողմից ճեկ-ի խախտման համար, այն է՝ վարորդը կատարել է ծախ շրջադարձ՝ հատելով հակադիր հոսքերն իրարից բաժանող հոծ գծերը: Վարորդի նկատմամբ կազմվել է համապատասխան արձանագրություն և, համաձայն ՀՀ ՎԻՎ օր-ի 124-րդ հոդվածի 2-րդ մասի, կայացվել ԱԴ թիվ 590428 որոշումը վերջինիս 10.000 դրամ տուգանելու մասին:

Ըստ տեսուչների գրավոր բացատրությունների՝ իրավախախտումը նկատելուց հետո ավտոմոբիլը սահմանված կարգով կանգնեցվել է, տեսուչ Շահբազյանը մոտեցել է վարորդին, ներկայացել, հայտնել իրավախախտման բնույթն և փաստաթղթերը ստուգելուց հետո այն փոխանցել է տեսուչ Ավալյանին՝ համապատասխան արձանագրություն կազմելու համար: Վարորդը հրաժարվել է բացատրություն տալուց, ստորագրելուց և որոշման իր օրինակը ստանալուց: Տեսուչները հայտնել են նաև, որ իրավախախտումը չի տեսագրվել, սակայն եղել է ակնհայտ, պարզ տեսանելի, որն էլ սահմանված կարգով արձանագրվել է:

2018թ. հունիսի 4-ին հեռախոսակապի միջոցով, քաղ. Է.Դանիելյանը իր դիմումի քննարկմանը մասնակցելու նպատակով՝ իրավիճակ է ճանապարհային ոստիկանության ԾՊԾ բաժին, որտեղ վերջինս իր գրավոր բացատրությամբ հայտնել է, որ համաձայն չէ խախտման հետ: Դիմումատուն հայտնել է նաև, որ իր դիմումին ավելացնելու ոչինչ չունի, խնդրել է դիմումը քննարկել և արդյունքների մասին իրեն տալ գրավոր պատասխան:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի, ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Է.Դանիելյանի արարքում առկա է Վարչական իրավախախտումների վերաբերյալ ՀՀ օրենսգրքի 124 հոդվածի 2-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Է.Դանիելյանի դիմումը թողնել առանց բավարարման, իսկ ճանապարհային ոստիկանության ճՊԾ 1-ին սպայական գումարտակի 7-րդ սպայական դասակի տեսուչ, ոստիկանության կապիտան Դ.Ավալյանի կազմած վարչական իրավախախտման արձանագրության հիման վրա 2018թ. ապրիլի 29-ին կայացրած ԱԴ թիվ 590428 որոշումը՝ Էդուարդ Դանիելյանին տաս հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Կատարող Ձ.Սելջոնյան
հեռ.011-567944